

工部則例



工部則例

營繕清吏司

營房

一京師營房。

皇城内。八旗滿洲官廳十有六所。步軍堆撥房九十所。鑲黃。鑲白二旗。官廳各二。堆撥各十。正白。正藍二旗。官廳各二。堆撥各十有。一。正黃。正紅。鑲紅。鑲藍四旗。官廳各二。堆撥各十有二。○内城。八旗堆撥房。左翼。三百二十七所。鑲黃旗。滿洲。五十三所。蒙古。二十二所。漢軍。十有七所。正



白旗。滿洲。五十一所。蒙古。二十所。漢軍。十有四所。鑲白旗。滿洲。四十六所。蒙古。十有三所。漢軍。十有二所。正藍旗。滿洲。四十五所。蒙古。十有九所。漢軍。十有五所。右翼。二百九十九所。正黃旗。滿洲。五十五所。蒙古。漢軍。各十有八所。正紅旗。滿洲。三十八所。蒙古。十有四所。漢軍。十所。鑲紅旗。滿洲。四十八所。蒙古。十有三所。漢軍。十所。鑲藍旗。滿洲。五十所。蒙古。十有五所。漢軍。十所。各旗官廳。蒙古。漢軍。各二所。滿洲。各五所。守門班房。

正陽。崇文。朝陽。東直。四門。各十間。宣武門。七間。阜成門。九間。西直門。五間。安定。德勝。二門。各六間。城上堆撥房。左翼。四十三所。右翼。四十一所。儲火藥房。左翼。四十七所。右翼。四十九所。所各三間。每門。旗礮房三間。屬左翼者五。屬右翼者四。城內更房。

正陽門。四間。崇文。東直。西直。三門。各二間。餘五門。各一間。○外城。巡捕三營堆撥房。中營。官廳九所。馬兵。五十四所。步兵。五十五所。南營。官廳八所。馬兵。六十二所。步兵。八十二所。北營。官廳八

所。馬兵四十九所。步兵四十所。守門班房。東西便門各六間。餘五門各十間。城上步兵堆撥共四十三所。官廳六所。每門城上儲火藥房及看火藥房各一間。城內更房永定廣渠二門各四間。東便廣寧二門各三間。西便門二間。左安右安二門各一間。

圓明園。

暢春園。八旗步軍堆撥五十所。三營馬步堆撥六十七所。馬兵十有五所。步兵五十二所。

靜明園。三營步兵堆撥十有二所。

靜宜園。馬步堆撥二十一所。馬兵五所。步兵十有六所。○康熙三十四年題準。於八旗教場等處蓋造兵丁住房。每旗二千間。共萬六千間。無房兵丁。每人給房二間居住。○三十九年議準。京城城上房及營房等工。如有坍塌傾頽。由步軍統領咨部。隨時修理。○雍正二年議準。

圓明園。設八旗護軍官兵營房。每旗叅領一人。給房十有三間。副叅領二人。各給十間。署副叅領四人。各八間。護軍校十人。各六間。護軍三百七十五名。各三間。○又設內府三旗護軍官兵營

房。每旗。叅領一人。給房十有二間。副叅領一人。給十間。署副叅領一人。給八間。護軍校三人。各六間。護軍四十名。各三間。○六年奏準。京城九門內。均有八旗兵丁看守。城外獨無。應增撥八旗官兵看守。

正陽門外。見有巡捕營官兵。毋庸再撥旗兵外。其崇文等八門城外。各旗撥滿洲。蒙古。漢軍。散秩官四人。驍騎校四人。驍騎二百名。令各攜家口駐防。官員各給住房八間。驍騎校各五間。驍騎各二間。再於城門相近。各設堆撥房八間。令駐

防官兵。輪班巡守。共蓋造官員。驍騎校。兵房。堆鋪。每門四百六十間。計三千六百八十間。○乾隆十年奏準。外七門城上。繫巡捕三營官兵看守。設有堆鋪十八處。其堆鋪並非官建。悉無瓦片木料。皆屬遠年自行建造之土房。見多傾頽。難於棲止。且週圍二十五里有餘。僅設堆撥十有八處。相距寫遠。守望不周。應於七門城上。增蓋堆鋪二十八間。除分給直班千把總三間外。餘悉安設堆撥二十五處。即動支步軍統領衙門房租銀建造。○十二年奉

旨。圓明園八旗。每旗增護軍百名。照例每名各給住房三間。○十四年議準。隨征金川雲梯兵千名。別設一健銳營。分爲兩翼。左翼翼領一人。右翼翼領一人。各給房十有三間。每旗叅領一人。給房十有三間。副叅領一人。給房十間。護軍校。鑲黃正黃。二旗各七人。餘六旗各六人。均各給房六間。護軍。百二十五名。各給房三間。左翼。四層礮樓十有四座。三層礮樓十有八座。右翼。五層礮樓二座。四層礮樓十座。三層礮樓二十四座。○十八年奉

旨。健銳營。增設驍騎千名。蓋造官兵營房二千一百五十二間。紅石山。水師營。委署前鋒叅領二人。各給房八間。副護軍校八人。各給房三間。驍騎百二十名。各給房二間。鑲黃。正黃。正白。鑲白。鑲紅。鑲藍。六旗。每旗委署前鋒叅領二人。正紅。正藍。二旗。委署前鋒叅領各一人。均各給房八間。八旗驍騎。各百有十名。每名各給房二間。

一直省營房。順治十四年覆準。甘肅文武各官。輸銀建造營房。照修城例分別議叙。○又題準。浙江杭州官紳。捐造羅木營房。照例議叙。○康

熙元年題準。江西建昌營房。動支塚夫工食銀
建造。○三年題準。貴州省。動支四稅銀。修蓋營
房。安插投誠官兵。○九年題準。官員。將官兵營
房。不行修理安插。以致占居民房者。罰俸一年。
○十三年議準。直隸。增設八旗駐防官兵營房。
動該地方正項錢糧蓋造。○三十二年題準。撥
給右衛駐防官兵房屋。共蓋造萬八千五百二
十九間。○又題準。造給古北口。石匣營。二處營
房。千七百五十間。張家口。營房。千間。皆動支正
項錢糧。○三十四年題準。陝西寧夏。蘭州。二處。

駐防官兵。撥給房屋。將軍。二十五間。副都統。各
二十間。協領。各十有五間。叅領。佐領。各十有二
間。防禦。各八間。驍騎校。各六間。驍騎。各二間。○
四十四年覆準。蓋造湖廣提督標下。官兵營房。
四百間。○四十七年覆準。貴州銅仁府。增設文
武官兵。於正大。龍頭。二處。修造解舍營房。百三
十七間。○五十五年覆準。奉天旅順口。水師營。
蓋造官兵住房。千三百四十四間。○五十七年
覆準。蓋造河南省城。八旗駐防兵丁。匠役。等房。
二千五百八十四間。○六十年題準。造四川成

都府八旗駐防官兵營房四千九百八十間。捐造各官。照例議叙。○雍正四年議準。天津州設立水師營。建造營房。照寧夏駐防間數分給。○五年覆準。陝西潼關。蓋造駐防官兵營房二千六十四間。○六年覆準。遷安縣冷口。增蓋官兵營房十間。○七年覆準。寧古塔。益通河。設立官兵。蓋造營房四百五十間。○八年覆準。浙江乍浦。新設駐防。建造營房千六百間。又旱門。水門。及營內守宿房。共三十二間。○十二年覆準。各省墩臺營房。令州縣官會同該汛營弁稽察。隨

傾隨扶。仍令該管道府將備。不時嚴察。如文官怠玩。草率遲延。令道府揭叅。武弁疎縱。兵丁殘毀。令將備揭叅。倘道府將備互相推諉。令督撫提鎮。覈叅。至文武官弁離任時。仍照壇宇倉廩之制。并入交代。取具接任官印記各結。詳報該上司存案。倘在任時。不加修葺。以致倒塌。後任官不肯接受者。該上司察實。著令賠修。題叅議處。如去任官弁無力賠修。文官著落不嚴察之處。道府武官著落不嚴察之將備。修理如兵丁作踐拆毀。一經察出。將該目兵責革。仍著落汛弁

獨賠。汎弁無力。即著落將備分賠。至交代時。後官若有勒索。及濫收等弊。該上司亦即題參。○十三年覆準。宣化鎮。新增官兵。每兵一名。給大房一間。其沿邊隘口。造給房二間。看守墩臺之兵。仍照舊例。每兵五名。給房三間。○乾隆三年。覆準。下江各汎墩臺營房。應定歲修之法。責令兵丁。隨時修補。凡新造之營房。於六年限內。每年。每間。給銀二錢。其六年之後。每間。歲給銀三錢。牌坊。木樓。烟籠。每項給銀五分。仍令該管官弁。不時稽察修補。除江岸海濱。颶風暴雨。潮汐

衝突。致有坍塌。酌量免賠外。其餘。如漫不經心。任聽坍塌。官則分賠。兵則革換。其每年用過銀數。統於歲底彙冊。覈實報銷。○又奏準。上江營房。亦照下江之例。一例準給。歲修。永定章程。於存公銀內動支。○四年覆準。雲南塘汎營房。照江南歲修之例。按年修理。牌坊。木樓。等項。亦照例。歲給銀五分。至草房。土舍。六年限內。每間。歲給銀一錢五分。六年限外。給銀二錢。統於存公銀內動支。○又覆準。直屬墩臺營房。除永清等二十二州縣。地處偏僻。向無設立墩臺營房外。

所有霸州等七十一州縣。原非衝途孔道。其土墩。土草。營房。見屬完固。足資守望。應飭隨時修葺。入冊交代。其東西南北四大路。

皇陵大路。五十州縣。土墩。土草。營房。應分別先後。著大

興等州縣。次第委官。會同地方官。確勘覈估。逐案報部興修。改建孰瓦。按年彙冊題銷。自乾隆四年為始。分作三年辦理。工竣之後。仍交與地方官。隨時修葺。入冊交代。再新設承德一州。

乾隆

七年。裁歸熱河同知移駐。向無汎撥。往來商賈甚多。應設汎十有九處。建墩臺十有九所。以資瞭望。共營房

房百九十間。分年陸續辦理。其所需工料銀。令該督先行確估。一并造冊覈銷。○五年覆準。廣東沿海緊要礮臺。如遇損壞。令營弁驗明。移報州縣。州縣官即日親往驗看。報明督撫。委官據實確估。一面給銀興修。一面造冊報部。勒限兩月完竣。如逾限未完。照承修遲延例覈叅。其僻在內港礮臺。雖非扼要。然竟任地方官。次第修理。惟恐不肖州縣。藉無承修定限。竟不修理。則日漸傾頽。轉致需費浩繁。應飭該地方官。如有坍塌處所。即隨時修葺。仍按季造冊報部。其草

蓋營房。準其改爲瓦屋。將見在朽爛之沿海等處營房。先行確估報部。動項修蓋。亦照墩臺之例。定限兩月完竣。其餘草房。俟有倒壞。陸續報部更修。○又覆準。湖廣各路塘房。將地處衝要及比連鄰省。要隘陸路塘房。飭令地方文武官弁察勘。其見在完固。及偏僻塘汛。槩不得任意報修。如實因年久傾圮。必應修建者。方準動項興修。工竣後。仍交與地方官隨時修葺。文武離任時。造入交盤冊內交代。如兵丁作踐。不加保護。即將兵丁責革。塘房責營弁賠修。○七年覆

準。青州駐防城內。衙署。兵房。牆垣等項。每年遇有奇零修理。工程數在百兩以內者。動用房租銀修理。工竣。造冊報銷。如有大修。銀數在百兩以上者。照部原奏。將應需工料銀數。覈實具題興修。○八年覆準。山西塘汛營房等項。照江南歲修之例。每年給與歲修銀。責令營弁隨時修葺。地方官不時稽察。倘有將銀侵蝕。任其傾圮等弊。一經察出。即行題參。仍將坍塌營房。并侵蝕銀。在於該營弁名下。追賠修理。其應需歲修銀。在公項銀內動撥。○十五年覆準。江蘇各屬

歲修營房等項。仍照乾隆三年例。歲修銀數。隨時分別動支。毋庸逐案具奏。

